



19. november - 2024

UKA2024/119

**Najugaqatigiiffinni tamani pisortanuit pigineqartuni siusissukkut iliuuseqarfingineqartarnissaai  
siunertaralugu inissiani attartortittakkani aaqqissuussamik ikinnerpaamik ukioumut ataasiarluni  
oqoqassutsimik misissuisoqartalernissaan aningaasatigut allaffissornikkullu kingunerisassaannik  
qulaajaaviusussamik Naalakkersuisut nassuaasioqqullugit peqquneqarnissaannik Inatsisartut  
aalajangiiffigisassaattut siunnersuut. Nassuaammi taamatuttaaq qitiusumik qarasaasiatigut  
paasissutissaasivimmik assigisaanilluunniit misissuinermitk nalunaarsuiviusussamik pilersitsineq  
eqqarsaatigalugu tamatumani aningaasatigut kingunerisassai  
qulaajarneqassapput. Najugaqartunut oqummik sapigalinnut pisortallu inissiaataanni  
attartortittakkani oquttumi najugaqarsimanerup malitsigisaanik nappaateqalersimasunut  
immikkut ilisimasalinnit peqqissutsikkut ikorsiinissamut taperseruinissamullu  
neqerooruteqartoqartalerpat tamatuma aningaasatigut kingunerisassai nassuaammi  
qulaajarneqassapputtaaq**

(Inatsisartuni ilaasortaq, Anna Wagenheim, Demokraatit)

Siunnersuuteqartoq siunnersuutaanut soqutiginartumut Siumumiit qujassuteqarfigaarput imatullu  
oqaaseqaateqassalluta:

Siunnersuuteqartoq paasisinnaalluarparput ilisimaneqarpormi sineriak tamakkerlugu oquup  
ajornartorsiutanera piusoq

Tassa siusinnerusumi sanaartukkat illuutillu pisqalisut ilaatigut sananeqarnermikkut oqummut  
naleqqussagaanerat killeqarsimasoq takussutissaqartalersoq siumugassaallunilu piusoq  
ilisimaaraarput

Tassami sumiluunnit oquup siumugassaanera piulernikuovoq, tamannalu ajornartorsiut ukiuni  
kingullerni alligaluttuinnartutut isikkoqarpoq, iliuuseqarfinginiartarneralu ilaatigut aningaasarpassuit  
atorlugit suliarineqartalernikuovoq, aammalumi illuutit assigisaallu oqummik eqqugaasimasut suli  
annertuumik iluarsagassaasut ilisimaneqarpoq

Ilisimaneqarpoq oquk peqqissutsimut ulorianarluinnartuusoq, taamaattumillu  
ingalassimaniarnissaavaqqunneqarsinnaanngitsoq Siumumiik naqissuserusupparput

Taamaammat sapinngisamik peqqinnartunik najugaqarnissaq, aammalumi illuutit kikkunnit  
tamanik ornigarneqartut/suliffeqarfiiit aammattaaq peqqinnartuunissaat pingaartilluinnaratsigu  
oqaatigerusullutigu



Ukiorpassuarni sanaartoriaaseq nunatsinni atorneqarsimasoq piffimmut ullumikkumut naleqqussartuarnissaa piusariaqartoq isumaqarfigaarpuit, taamatuttaaq oquup pinngortarnera qanorlu pinaveersaartinneqarsinnaanera pillugu paasisitsiniaanerit annertuut inuiaqatigiinni paasisitsiniutaajuanissaat piusariaqartoq isumaqarficalutigu

Taamaattumik siunnersuuteqartoq ilalerparput ukiumut ataasiarluni misissuisoqartarnissaanik ,kiisalu najugaqartut oqummik eqqugaanermi kingorna immikkut ilisimasalinnit peqqissutsikkut ikorsiinissamut neqertoorfigineqartarnissaasa qulaajaavagineqartalernissaat pillugu kingunerisassaanik nassuaasiortoqaqqunera ,pitsaasumik siunertaqartutut taperserlugu ilaleratsigu

Siumumiit pingaartilluinnarparput innuttaasut sumiluunniit najugaqarluuarunik peqqinnartumik najugaqarnissaannik neqeroorfigineqartarnissaat, kiisalu nammineq pigisaminnik angerlarsimarfeqartut oqummik pinaveersaartitsinissamik ilisimasaqarluarnissaat anguniarlugu ilaatigut nittartakkakut paassisutissanik aallertalersinnaanerisa pertiarfissarsiuunneqarnissaannut tikkuusserusukkatta

Siunnersuuteqartoq ilalerusupparput sapinggisamik najugaqarfinni tamani pisortaniinnaanngitsoq,aammali angerlarsimaffinni tamani periarfissap atorneqartalernissaa kissaatigigatsigu,tassami oquk illunut sunulluunniit pisinnaasoq tamatta ilisimaarilluinnaratsigu

Tassa oquk pinaveersaartissagutsigu tamannalu pimoorullugu suliarigutsigu siunissami aserfallatsaaliniermut assigisaanullu oqummik eqquiffiusuni aningasat atortakkagut ,siunertanut allanut nutaanik sanaartornernut atortarsinnaavagut.

Naalakkersuisut naaperiaanerat tusaavarput iluarisimaarparput, allannguutissamillu siunnersuutaat malillugu siunnersuuteqartup qaqitaa tunngaviatigut qimanngikkaluarlugu akuersissutigaarput.

Taamaattumik siunnersuut paasilluarlugu taperserlugulu sanaartornermut ataatsimiitaliamut suliarilluarneqarnissaa kaammattuutigalugu ingerlateqqipparput ataatsimiitaliarlu sulilluarnissaanik kissaallutigu

Lars Poulsen, Siumut